

Pravosudna komisija Brčko distrikta BiH, na osnovu člana 14. stav (1) tačka n) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07 i 02/08) i odredbe člana 116. Zakona o Sudskoj policiji Brčko distrikta BiH („Službeni glasnik Brčko distrikta BiH“, broj: 03/21) , na ____ redovnoj sjednici održanoj dana ____ godine donosi sljedeći

PRAVILNIK O ORUŽJU, MUNICIJI I OPREMI SUDSKE POLICIJE BRČKO DISTRIKTA BIH

DIO PRVI – OPŠTE ODREDBE

Član 1 (Predmet)

Ovim Pravilnikom uređuju se definicije, nošenje, rukovanje i čuvanje oružja i municije, nabavka, prijem, zaduženje i popis oružja i municije, nabavka, prijem zaduženje i popis oružja i municije, skladištenje, evidencije i održavanje oružja i municije, naoružanje i pripadajuća oprema naoružanja i oprema sudske policije.

Član 2 (Značenje izraza)

Pojedini izrazi upotrebljeni u ovom pravilniku imaju sljedeće značenje:

- a) **oružje** je vatreno oružje, vazdušno oružje, rasprskavajuće, gasno i hladno oružje;
- b) **vatreno oružje** su sve vrste pušaka, pištolja i revolvera, kao i sve vrste naprava koje pod pritiskom barutnih gasova izbacuju kroz cijev zrno, kuglu ili sačmu;
- c) **municija** su meci, patrone, čahure sa kapislom, zrna, sačma, dijabole i barut;
- d) **sredstva za onesposobljavanje** su električni paralizatori i raspršivači hemijskih sredstava za privremeno onesposobljavanje;
- e) **ručno oružje** je dizajnirano za držanje u jednoj ruci, uključujući revolvare i poluautomatske pištolje. Ova kategorija ne uključuje oružje sa punom automatikom.

DIO DRUGI – NOŠENJE, RUKOVANJE I ČUVANJE ORUŽJA I MUNICIJE

Član 3

(Ovlaštenja i obaveze službenika Sudske policije)

(1) Službenici Sudske policije mogu nositi i rukovati samo onim oružjem sa kojim su zaduženi i obučeni i moraju biti upoznati sa važećim instrukcijama i propisima da bi bezbjedno rukovali i koristili oružje i sredstva za onesposobljavanje.

(2) Službenici Sudske policije su obavezni da obavijeste komandira Sudske policije ukoliko nisu iz bilo kojih razloga sposobni da rukuju dodijeljenim oružjem, a komandir je odgovoran da su službenici Sudske policije poznaju pravila i propise o oružju i da su sposobni za bezbjedno rukovanje oružjem.

Član 4

(Oružje, municija i oprema službenika Sudske policije)

(1) Službeniku Sudske policije će biti dodijeljeno službeno oružje, municija i oprema u skladu sa poslovima i zadacima na koje je raspoređen.

(2) Zaduženo službeno oružje, municiju i opremu službenik Sudske policije ne smije davati drugim službenicima, niti bilo kojim drugim licima, osim neposredno pretpostavljenom.

(3) Vrsta municije za oružje mora biti odobrena od strane komandira Sudske policije.

Član 5

(Pravila sigurnosti pri nošenju oružja)

(1) Nakon dobijanja oružja službenik Sudske policije treba se pobrinuti da su sigurnosni mehanizmi zaključeni sve vrijeme i moraju poštovati pravila sigurnosti dok nose službeno oružje.

(2) Oružje se mora nositi i njime rukovati sve vrijeme kao da je napunjeno.

(3) Ručno oružje se mora nositi u zaduženoj futroli i ona se nosi sa one strane gdje se nalazi ruka kojom službenik Sudske policije rukuje ručnim oružjem.

(4) Futrola za rezervni okvir se treba nositi vertikalno na suprotnoj strani od pištolja, a meci moraju biti okrenuti prema kopči opasača.

(5) Za vrijeme vršenja redovnih i posebnih zadataka koji se obavljaju u civilnom odijelu službenik Sudske policije ručno oružje mora nositi ispod ruke suprotno od ruke kojom rukuje oružjem ili ukoliko se smatra opravdanim na drugi način, pod uslovom da nije vidljivo drugima.

(6) Za vrijeme pokreta ili transporta oružje mora biti nošeno i postavljeno tako da ne udara u tvrde dijelove opreme ili vozila.

Član 6

(Pravila sigurnosti pri rukovanju oružjem)

(1) Ručno oružje može biti izvađeno iz futrole samo iz razloga koji su definisani Zakonom o Sudskoj policiji Brčko distrikta BiH i Pravilnikom o upotrebi sredstava prinude Sudske policije Brčko distrikta BiH.

(2) Za vrijeme prisustva javnosti službenici Sudske policije nisu ovlašteni da vježbaju tzv. „suvo gađanje“ ili da čiste službeno oružje.

Član 7

(Provjera oružja)

Radi izbjegavanja posljedica nekontrolisanog ispaljenja prilikom punjenja ili pražnjenja oružja, službenik Sudske policije mora osigurati da je oružje sigurno okrenuto prema odgovarajućoj „posudi za pražnjenje“ specijalno napravljenoj i određenoj za tu svrhu ili u pravcu koji je siguran za izvođenje ove radnje.

Član 8

(Procedure za čuvanje oružja i municije u službenim prostorijama)

(1) Oružje i municija ukoliko se čuvaju u službenim prostorijama Sudske policije moraju biti pod stalnim fizičkim i tehničkim nadzorom.

(2) Oružje i municija će se čuvati u namjenskim metalnim ormarićima koji se nalaze u namjenski određenoj prostoriji u Sudskoj policiji i svaki ormarić ima dva ključa.

(3) Jedan primjerak ključa će se nalaziti u zapečaćenoj koverti u kasi kod komandira Sudske policije, dok drugi primjerak ključa zadužuje službenik Sudske policije koji koristi metalni ormarić.

Član 9

(Slučajevi pri upotrebi vatrenog oružja)

(1) Svi slučajevi u kojima službenik Sudske policije upotrijebi oružje moraju biti odmah prijavljeni komandiru Sudske policije.

(2) Kada upotreba vatrenog oružja rezultira povredom ili smrću lica, pored mjera i radnji propisanih zakonom kojima je regulisan krivični postupak i drugim važećim propisima, Sudska policija će preduzeti i sve druge mjere i radnje iz svoje nadležnosti.

(3) U slučaju da službenik Sudske policije izgubi oružje pod bilo kojim okolnostima, ovaj slučaj odmah mora prijaviti komandiru Sudske policije koji će u zavisnosti od rezultata istrage preduzeti odgovarajuće mjere i radnje.

DIO TREĆI – NABAVKA, PRIJEM, ZADUŽENJE I POPIS ORUŽJA I MUNICIJE

Član 10 (Nabavka oružja i municije)

(1) Prijedlog za donošenje odluke o nabavci oružja i municije daje komandir Sudske policije i isti sadrži obrazloženje potrebe za nabavku.

(2) Na osnovu prijedloga iz stava (1) Pravosudna komisija Brčko distrikta BiH donosi odluku o nabavci oružja i municije.

(3) Organizacijske, stručne i druge poslove koji se odnose na realizaciju nabavke oružja, municije i opreme vrši Finansijska služba Pravosudne komisije Brčko distrikta BiH.

Član 11 (Prijem oružja i municije)

(1) Kvantitativni i kvalitativni prijem oružja i municije vrši komandir Sudske policije.

(2) Prijem oružja i municije obavlja se pojedinačno, po stavkama iz specifikacije sa pojedinačnim pregledom ispravnosti oružja, municije i tehničke dokumentacije koja ih prati.

(3) Pregled oružja i municije i tehničke dokumentacije koja ih prati u cilju utvrđivanja tehničke ispravnosti, vrši komandir Sudske policije.

(4) Utvrđeni nedostaci će se konstatovati zapisnički, a zapisnik potpisuje komandir Sudske policije i isporučilac, odnosno prodavac oružja i municije. Primjerak zapisnika o utvrđenim nedostacima na licu mjesta se uručuje isporučiocu, odnosno prodavcu i isti se obavještava da mu se oružje i municija sa utvrđenim nedostacima stavlja na raspolaganje, odnosno vraća.

(5) U knjigovodstvenim evidencijama primljeno oružje i municija se knjiži u skladu sa propisima iz oblasti finansijsko-materijalnog knjigovodstva.

Član 12 (Procedura zaduženja oružja i municije)

(1) Sa oružjem i municijom zadužuju se službenici Sudske policije po nalogu komandira Sudske policije.

(2) Zaduženo oružje i municija evidentira se sa sljedećim podacima: registracioni broj, ime i prezime službenika Sudske policije koji zadužuje oružje i municiju, čin, JMBG, naziv, vrsta, model i kalibar ličnog oružja, jedinica mjere, količina, fabrički broj oružja, datum zaduženja, datum razduženja, potpis službenika koje predaje oružje i potpis službenika koji prima oružje.

(3) Podaci iz stava (2) ovog člana evidentiraju se na listu ličnog zaduženja oružja i poreme koja mora biti ovjerena i sačinjan u dva istovjetna primjerka od kojih jedan ostaje komandiru Sudske policije, a drugi se uručuje službeniku Sudske policije koji zadužuje oružje.

(4) Prilikom zaduženja oružja i municije u Sudskoj policiji, zaduženja se evidentiraju putem kartona zaduženja.

Član 13 (Popis oružja i municije)

(1) Popis oružja i municije vrši se najmanje jedanput godišnje.

(2) Popis, odnosno inventura oružja i municije može se vršiti vanredno po nalogu komandira Sudske policije.

(3) Prilikom popisa oružja i municije vrši se sravnjavanje stanja na zaduženju i stanja na zalihama i upoređuje sa ukupnim stvarnim stanjem oružja i municije.

DIO ČETVRTI – SKLADIŠTENJE, EVIDENCIJE I ODRŽAVANJE ORUŽJA I MUNICIJE

Član 14 (Skladištenje oružja i municije)

(1) Svo oružje i municija moraju se čuvati u bezbjednim skladišnim prostorijama koje moraju biti namjenske za ovu svrhu (neprobojna vrata, prostorije bez prozora, sa ventilacijom i dr.).

(2) Pristup u skladišni prostor je ograničen i u isti se pristupa samo po odobrenju komandira Sudske policije.

Član 15 (Održavanje, čišćenje i smotra oružja i municije)

(1) Službenik Sudske policije koji je zadužio lično oružje i municiju, odgovoran je za njihovo čuvanje, održavanje i tehničku ispravnost.

(2) Zaduzeno lično oružje mora biti u svako doba pravilno očišćeno i u ispravnom stanju.

(3) Oružje se mora čistiti nakon svake upotrebe, ali ne prije završetka istrage o incidentu. Ako se oružje pokvasi mora se očistiti.

(4) Za vrijeme odsustva službenika Sudske policije komandir Sudske policije određuje drugog službenika koji će se pobrinuti za održavanje oružja odsutnog službenika Sudske policije.

(5) Čišćenje i smotra oružja se vrši u posebno određenim prostorijama ili na posebno određenim i za tu namjenu prilagođenim prostorima.

DIO PETI – NAORUŽANJE I PRIPADAJUĆA OPREMA NAORUŽANJA

Član 16

(Definicija naoružanja i opreme)

(1) Naoružanjem u smislu ovog pravilnika smatra se osnovno naoružanje s pripadajućom municijom i posebno naoružanje s pripadajućom municijom za posebne namjene.

(2) Opremom Sudske policije u smislu ovog pravilnika smatra se osnovna i specijalna oprema koju koriste službenici Sudske policije radi obavljanja poslova i zadataka, pripadajuća specijalna oprema za naoružanje, oprema potrebna za uspostavu informatičko-komunikacione povezanosti, te zaštitu podataka informatičko-komunikacionih sistema koje Sudska policija koristi.

Član 17

(Osnovno naoružanje)

Osnovno naoružanje službenika Sudske policije je kratko vatreno oružje-poluautomatski pištolj kalibra najmanje 9x19 mm, kapaciteta okvira za najmanje osam metaka.

Član 18

(Posebno naoružanje)

(1) Posebno naoružanje službenika Sudske policije je oružje za privremeno onesposobljavanje električnim impulsima.

(2) Naoružanje iz stava (1) ovog člana službenici Sudske policije zadužuju samo po odobrenju komandira Sudske policije.

Član 19

(Pripadajuća oprema naoružanja)

(1) Pripadajuću opremu naoružanja službenika Sudske policije čini komplet za nošenje oružja.

(2) Pripadajuću opremu iz stava (1) zadužuje službenik Sudske policije.

DIO ŠESTI – OPREMA SUDSKE POLICIJE

Član 20

(Osnovna oprema Sudske policije)

Osnovnu opremu Sudske policije na ličnom zaduženju čini:

- a) policijska uniforma;
- b) palica;
- c) sredstva za vezivanje;
- d) baterijska lampa.

Član 21

(Specijalna oprema Sudske policije)

Specijalnu opremu Sudske policije čini:

- a) raspršivači sa dozvoljenim neškodljivim tvarima;
- b) električni paralizatori.

Član 22

(Oprema za informatičko-komunikacionu povezanost)

Opremu potrebnu za uspostavu informatičko-komunikacione povezanosti čini:

- a) radio-uređaji i njihovi dodaci;
- b) računarski sistemi s opremom, mrežna oprema i pripadajući komunikacioni uređaji te sigurnosni sistemi s hardware-skim i software-skim komponentama.

Član 23

(Definisanje pojedinih dijelova naoružanja i opreme)

Naoružanje i oprema koja se koristi u Sudskoj policiji je:

(1) Osnovno naoružanje – vatreno oružje kratkih cijevi:

a) poluautomatski pištolj, kalibra najmanje 9x19 mm, kapaciteta okvira od minimalno 8 metaka. Pištolj može imati fiksni ili rektifikacijski mehanički nišan. Ukupna dužina pištolja mora biti od 150 do 225 mm, visina od 100 do 150 mm, širina od 15 do 35 mm, a težina do 900 g bez municije. Dužina cijevi mora biti od 85 do 130 mm.

(2) Palica:

a) palica – kratka. Palice moraju biti proizvedene od dugotrajnog polipropilena, moraju biti lagane i otporne na lom dužine od 500 do 600 mm, prečnika drške od 25 do 35 mm i masom od najmanje 300 g.

(3) Sredstva za vezivanje:

a) metalne lisice- lanac. Metalne lisice sa stilom vezivanja lancem su izrađene od čelika, sa površinskom zaštitom protiv korozije. Imaju rotirajući polukružni zupčasti dio za vezivanje i bravu za otključavanje i zaključavanje. Dizajnirane su sa minimalno 20 pozicija zaključavanja i mogućnošću otvaranja za cca 25% većeg od standardnog orukavlja i cca 30% manje od standardnog orukavlja. Unutrašnji obim lisica mora biti najmanje 200 mm kada je zupčasti dio zatvoren na prvom zupcu, a mora biti maksimalno 165 mm kada je zupčasti dio zatvoren do zadnjeg zupca. Lisice moraju imati mogućnost obostranog zaključavanja i da posjeduju 2 ključa, te da imaju obavezne kočnice.

b) plastične lisice-višekratne. Plastične lisice višekratne izrađene su od PVC-a dužine minimalno 500 mm, širine 8 do 15 mm, zetezne čvrstoće od minimalno 150 kg, sa mogućnošću zaključavanja i minimalno 5 upotreba.

c) plastične vezice- jednokratne. Plastične vezice jednokratne su izrađene od plastične trake dužine minimalno 550 mm, širine 8 do 15 mm, zatezne čvrstoće od minimalno 150 kg.

(4) Raspršivači s dozvoljenim neškodljivim tvarima:

a) pepper sprej za višekratnu upotrebu. Višekratni pepper sprej (OC sprej) koji sadrži aktivne tvari koje nadražuju disajni sistem, izazivaju iritaciju i suženje očiju. Sprej mora biti jednako efikasan i kad se primjenjuje na osobe koje nose naočale i leće. Sprej se treba nalaziti u lakoizmjenjivim patronama od 30 do 60 ml koje se stavljaju u kompatibilni nosač izrađen od ABS plastike visoke čvrstoće namijenjen ljevorukim i desnorukim korisnicima. Maksimalni domet mlaza spreja mora biti najmanje 2 metra.

b) pepper sprej za jednokratnu upotrebu. Jednokratni pepper sprej (OC sprej) koji sadrži aktivne tvari koje nadražuju disajni sistem, izazivaju iritaciju i suženje očiju. Sprej mora biti jednako efikasan i kad se primjenjuje na osobe koje nose naočala i leće. Sprej mora biti pakovan u jednokratnim spremnicima kapaciteta od 30 do 60 ml. Maksimalni domet mlaza spreja mora biti najmanje 2 metra.

(5) Baterijska lampa:

a) velika baterijska lampa. Velika baterijska lampa mora biti LED tehnologije, maksimalne jačine najmanje 100 lumena (lm), maksimalnog dometa od najmanje 200 m, imati aluminijsko kućište, zaštitu od vlage, otpornost na udarce leće i rezervne sijalice. Dužina baterijske lampe mora biti od 300 do 500 mm, širine 35 do 45 mm. Baterijska lampa mora imati prateću opremu, punjač i punjive baterije.

b) mala baterijska lampa. Mala baterijska lampa mora biti LED tehnologije, maksimalne jačine najmanje 60 lumena (lm), maksimalnog dometa od najmanje 60 m, imati aluminijsko, polimerno ili polikarbonatno kućište, zaštitu od vlage, otpornost na udarce leće i rezervne sijalice. Dužina baterijske lampe mora biti od 80 do 130 mm, a širina od 15 do 28 mm. Baterijska lampa mora imati prateću opremu, punjač i punjive baterije.

(6) Električni paralizator:

a) kompaktni električni paralizator. Sprava koja kada je u upotrebi u kontaktu sa licem ili životinjom emituje paralizirajuće električne impulse od 20.000 V ili više, priručnih dimenzija i dužine aparata ne veće od 30 cm

b) štapni električni paralizator. U formi je palice koji, kada je u upotrebi, u kontaktu sa licem ili životinjom emituje paralizirajuće električne impulse od 20.000 V ili više i dužinom je veći od 30 cm

c) dalekometni žičani paralizator. U formi je pištolja ili slične naprave koji ispaljuje dvije ili više strelica, a koje su žicom povezane sa uređajem iz kojeg se ispaljuju, te koje, kada su u upotrebi, u kontaktu sa licem ili životinjom emituju paralizirajuće električne impulse od 20.000 V ili više.

DIO SEDMI – ZAVRŠNE ODREDBE

Član 24 (Stupanje na snagu)

Ovaj Pravilnik stupa na snagu danom donošenja a biće objavljen i u „Službenom glasniku Brčko distrikta BiH“.

PREDSJEDNIK
PRAVOSUDNE KOMISIJE

Safet Pizović

Broj: SuPK-03-____/21

Datum: _____.